

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوینیه

قبول او انورد

درج ایدیهین آثار اعاده او انورد

دین، فلسفه، علوم، حقوق، ادبیات و سیاسیات و باطخاصه کرب سیاسی و کرب اجتماعی و مدنی احوال و شؤون اسلامیه در بحث ایدر و هفته ده بر نشر انورد.

آبونه بدلی

سنه لکی

التی آیلنی

ممالک عثمانیه ایچون	۸۰	۴۰	غروش
روسیه	۶۰۵	۳۰۵	روبله
سائر ممالک اجنبیه	۱۷	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۷۷

۱۴ صفر اخیر ۳۲۸ پنجشنبه ۱۱ شباط ۳۲۵

اوچنچی جلد

حضور ملوکانه لرینه قبول والتفات ملوکانه لرینه بکام بیورمشلردر .
ایکندی نمازیدن صکره ساعت اون بچقده عودت شاهانه وقوعبولمشدر .
موکب هایونک کدرکاهنه تصادف ایدن واپورلردن مراسم احترامیه اجرا
ایلدش و عسکر و اهالی طرفندن (پادشاهم جوق یشا) ورهکدرده بولنان
اجنبی سیاحلری جانبندن (هوررا) ندالری کمال شوق و سرور ایله تکرار اولمشدر .
طوپقیو سراینده کی باب السعاده الشریفه نک ایچ طرفنده و عرض اوطه سنه
قارشی بر وضعیتده و قیونک جهتشدن موضوع ایکی لوحه نک بهرنده اون
یدی عثمانی حکمدار ذیشانک اسامی و تاریخ جلوس و مدت سلطنتلری حاکی
اولوب پادشاه نوجاهمن افندمن حضر تلرینک نام محترم لری و تاریخ جلوسلری
ایچون بولوحه لرده فضل بر محل قالمادیقندن آیروجه بر لوحه ترسیمنه قرار
وبریلرک اشبو وظیفه اندرون هایون بکرنندن خطاط حافظ ابراهیم افندی یه
حواله اولمش و موی الیه اولجه کبار اولیاء اللهدن آق شمس الدین افندی
طرفندن ترتیب ایلدش اولان مذکور لوحه لرکی بر لوحه وجوده کتیرمش
وداثره شککنده اولان بو لوحه یه اون یدی دفنه (خان السلطان) و محل
مخصوصه ده (خان السلطان محمد) عباره سنی واک اورتیه سنه دخی (ابوبکر ،
عمر ، عثمان ، علی) اسامی محترمه سنی وضع ایلمشدر . اشبو لوحه عرض
اوطه سنک اوکنه و باب السعاده یه قارشی بر موقعه تعلیق اولمشدر .

ادرنه والیسی حاجی عادل بک افندی حضر تلرینک مجلس عمومی
ولایتده ایراد ایلش اولدقلری نطقک والی مشارالیه ک حضور هایون
حضرت خلافتنا هیده شرف مثوله نائلیتی صره سنده (کلام الملوک
ملوک الکلام) منظوقتی مؤید مصداق نظر ممنونیت اولان بیانات
عالیه جناب خلافتناهی یه دأر اولان اقسامی ادرنه ده منتشر آفتاب
غزیه سنده منظورمن اولغله عیناً بر وجه یز نقل اولنور :

« هیئت محترمه یه ویرمکده اولدیم معلومات و تفصیلاتک انک مهمی ، انک
مقدس ، ذات حضرت پادشاهی یه ملاق اولغلم ، شرف مثوله نائلیتمدر .
بونی بر وجد افتخار و بر حس مباهات ایله سویله بیلیم :
حضور هایونده ، شرف مثوله نائلیتمدن جناب شوکت آبک بر حال
نوازش و بر طرز پدرانده اولق اوزره فرمان خطابتنه معروض بولندم .
معروضات و تشکرات عبودیتندانه و ملوکانه یی تقدیم ایتدکن صوکره ولایت
داخلنده بولنان تبعه صادق لرینک احوالندن استمراج بیوردیلر . جواب
معروضمه : « نام هایونلری السنه احترامده دوران ایتدکجه ، اسکی آجیلره
بدل اولاد و طنک ذات هایونلری کی مشفق و مشروطیت پرور بر پدر معالی کستره
مالک اولمردن متولد انشراح قلبیه لری بر دوام اولدکجه تبعه ملوکانه لرینک
مسعودیتلری بر کالدر . اولقدرکه مرکز و ملحقاته نمرده اسم شاهانه لری
بر احترام مخصوصه یاد اولنورسه بالاتفریق جنس و مذهب حاضر و نک قبلرندن
حیات شکر و محبت دوران ایدیور » طرزنده ایدی .

شو معروضاتم ذات هایونلرنجه صوکره درجه ده موجب محظوظیت اولدی
و مبارک کوزلری طولو طولو اولدی دیوردیلرکه : [بن وطنی] سوهرم
اونلرده و طنلرینی سوهرلر و بونک ایچون بنی سوهرلر . ذات شاهانه نک شو
التفات مشفقانه سندن جرأت آلهرق : « بر آلهرق ادرنه یی تشریف شاهانه
وقوعبوله جنی حقنده کی روایتک سکنه مملکتی و سرور و دلداد ایتدیکنی
وجه نک قدوم ملوکانه لرینه منتظر بولندیغنی » عرض ایتدم .

[بوسنه بروسه یه قدر اولان سیاحم ، اورای اجدادکم مهد ظهوری
ودولت علیه مک ایلک پایتختی اولمسندن منبعث ایدی . ادرنه دخی کذلک
اجدادکم اکتساب نام و شان ایتدکلری بر محل وایکنجی پایتختدر . هر حالده
اورایده کیده حکم . انشاه صوکره بهاره طوغری بوسیاختی اجرا ایده حکم]
بیوردیلر .

و بو وعد و فرمان شاهانه لرینی متعاقب متبسمانه « نصل اوراده بارینه بیله جک
بریر وازی » سؤالی ایراد بیوردیلر بنده کزده « بتون افراد ملتک سینه
صداقت و محبتلری ذات شاهانه لری ایچون برر فرق تعظیم و احترام تشکیل ایدر .

مع مافیه حکومت و بلدییه دائره لری واردر . ذات هایونلرینی اعزاز و اراحه ایچون
بتون موجودیتلرله التزام اعتنا ایدلسی طبعیدر » دیدم . بومعروضاتم اوزرینه « نصل
اولسه اولور . اجدادم دخی چادر آلترنده دمکدار اولمشلردر » بیوردیلر بو خطاب
هایون بنده کری غشی ایتدیکی و حضور هایوندن انشکاک زمانی دخی حلول ایلدیکی
ایچون بر جرأت مخصوصه ده بولنهرق (مبارک دست شاهانه لرینی تقبیل و تلثم ایده .
بیلمکلمه مساعده طلب ایلدم) بو معروضاتم ایلک اوکجه بر اشارت
محبتکارانه ایله قبول بیورلماق ایستلیدی . فقط تکرار استرحام ایدنجیه
« او حالده : کلیمز مصافحه ایدم ، مصافحه سنت سنیه نبویه در » فرمانیه
المرینی اوزاندیلر . و بنده کزله عموم ولایت اهلایسنه دعا بیوردیلر .

بو راسمه مصافحه یی کمال شوق و حبور ایله اجرا ایتدکن و عمر شاهانه لرینه
دعا خوان اولدقدن صوکره حضور هایوندن چقدم . همان جناب حق عمر
هایونلرینی مزداد و فراوان بیورسون .

بو ملاقاتک شرفی شخصمه دکل ولایت اهلایسنه راجع بولندیی ایچون
ایشته سزه تفصیلاً اخبار ایلدم .

والی بک افندی حضر تلری بو منقیه مثول و ملاقاتی حکایه بیوردقلری
اشاده حاضر و ذات شاهانه نک کرک تشریف هایونلرینک شرفوقوع بوله جنی
خبر مسرتندن ، کرک لسان هایوندن شرف صدور ایدن کلمات معالیایندن صوکره
درجه ده بر وجد احتساستانه مستغرق قالمشلردر .



§ لسان قرآن اولق حسبله بالعموم اهل توحید ایچون لسان
رسمی مثابه سنده بولنان عربجه نک دخی ترکجه کی حکومتجه لسان
رسمی اولهرق قبول ایدیه جکنی (العرب) رفیقمن تبشیر ایدیور .
دولت علیه عثمانیه خلافت کبرای اسلامیه یی حائر بولندیغندن عربجه نک
لسان رسمی خلافت اتخاذه یی مناسبدر . بو تصورک بمنه الکرم
قرباً حیز آرای حصول اولدیغنی کورمکله بختیار و مفتخر اولورز .
§ مصرده مشروطیت اعلانی ایچون حزب الوطنی جمعیتی خدیو
نزدنده تشبثاتده بولمشدر . معارضلردن رئیس النظار اخیراً سوء قصده
هدف اولهرق وفات ایتمشدر . ترقی جریاننک اوکنه کجیله میه جک ، ایرکیج
مصر نائل مشروطیت اوله جقدر .

§ هندستان ایچون آنکلتره حکومتی طرفندن مشروطیتیه شبیه بر
شکل اداره اساسی احضار اولنیور .

§ بوسنه ده قانون اساسی بوهفته اعلان اولمشدر .

§ پترسبورغده انشا اولنه حق جامع شریفک قریباً وضع اساس
مراسمی اجرا اولنه جقدر . مراسم ، عثمانی و ایران سفارتلری اشتراک
ایده جکلری کی بخاری امیری حضر تلری ولیعهد لرله برلکده بالذات
حاضر بولنه جقلردر . ولایات معتبران اسلامیه سی ، مطبوعات منتسبلری
دعوت اولمشدر . بواصر خیرک حصولی ایچون امیر مشار الیه جانبندن
سبق ایدن هممات و معاونات نقدیه دن طولایی بتون عالم اسلام متشکر در .

§ روسیه نک دردنجی دوما سی ایچون انتخاب قانونی اصلاح اولنهرق
دهافضله اسلام اعضا انتخابنه موفقت حاصل اوله جنی استبشار اولمشدر .

§ روسیه ده الکچوق نفوسلی عشیرتلردن اولان قیرغیزلرک کوچیه
لکدن صرف نظر ایدرک کویلر تأسیس ایتک اوزره مساعده رسمیه
استحصالنه تشبث ایتدکلری مستخبرات ساره دندر .

§ بوسنه حجاج میاننده تایمس غزیه سی طرفندن برنخبر بولندیر .
لیدیغنی اخیراً تحقق ایتمشدر .